

THULAGANYO YA TSAMAISO YA LAESENSE YA MOEPO AFORIKA BORWA

LAESENSE

Lekwalotetla La Moepo

MOFUTA WA SEDIRISWA

Diminerale Tsotlhe

SELEKANYO

Seelo Se Le Sennye

BADIRAGATSI



Modirakopo (Moepi)



Lefapha la Metswedi ya Diminerale le Maatla



Molaodi wa Kgaolo (ka fa tlase ga Lefapha la Metswedi ya Diminerale le Maatla)



Komiti ya Kgaolo ya Tlhabololo ya Meepo le Tikologo



Kantoro ya Diminerale le Ditettlelo tsa Dipeteroleamo

Tsamaiso ya dikopo le makwalotetla a meepo a letlelela mong wa lekwalotetla go diragatsa ditiragalo tsa seelo se se sennye sa go epa diminerale tsotlhe.

Ka fa tlase ga molao wa Aforika Borwa, metswedi yotlhe ya diminerale le peteroleamo ke boswa jwa setlwaedi jwa batho botlhe ba Aforika Borwa mme Puso ke mong wa seo gore Maforika Borwa a kgone go ungwelwa.

Molao wa Diminerale le Tlhabololo ya Metswedi ya Peteroleamo (MPRDA) o tlhlosa sebopegotiro sa taolo ya diminerale.

Phitlhelelo le tiriso ya lefatshe le le umakilweng fa godimo kgotsa metswedi ya diminerale e tlhoka ditshwanelo tsa semolao tse di lekalekanang le dikgatlhegelo tse di diriwang magareng ga batsayakarolo ba ba botlhokwa go kgona go netefatsa gore a moepo o ka dirafadiwa mo lefatsheng le go nang le batho, la setso kgotsa le mong wa lona e leng wa poraefete.

Lefapha la Metswedi ya Diminerale le Maatla, le le laolwang ke Tona ya Metswedi ya Diminerale le Maatla, le rwele maikarabelo a go aba makwalotetla a go dira moepo . Dintlhana tse di botlhokwa tsa molao

mabapi le kabo ya makwalotetla a moepo ke MPRDA, Tšhata ya Maatlafatso e e Anameng ya Loago-Ikonomi (Tšhata ya Moepo), le Molao la Taolo ya Tikologo ya Bosetšhaba.

Makwalotetla a moepo a ka letlelelwa fela fa diminerale di ka epiwa ka tshwanelo mo dingwageng di le pedi . Lekwalotetla le amogelesegile mo nakong e e umakilweng mo go lone, e e ka se feteng nako ya dingwaga di le pedi, mme e ka ntšhwafadiwa makgetlho a le mararo, mme nako nngwe nngwe le nngwe e ka se fete ngwaga o le mongwe.

MOEPO

DIKGATO

BADIRAGATSI

1 DIRA KOPO

Modirakopo o neelana ka kopo mabapi le lekwalotetla la moepo ka tiriso ya serala sa inthanete se se itsegeng jaaka SAMRAD(Mafaratlhatlha a Tsamaiso ya Metswedi ya Diminerale tsa Aforika Borwa). Go latela Molao wa Diminerale le Tlhabololo ya Metswedi ya Peteroleamo (MPRDA), modirakopo o tshwanetse go neelana ka nako e le nngwe ka kopo ya tettlelo tikologo mo mafaratlhatlheng a inthanete.



1.1 Mmogo le kopo, modirakopo o tshwanetse go duela tefiso e e sa busetsweng ya go dira kopo.

1.2 **KAMOGELO** Kopo e latela ditlhokego fa e akaretsa ditokomane tsotlhe tse di tshwanetseng, fa go sena motho yo o mongwe yo o nang le lekwalotetla. Molaodi wa Kgaolo (motlhankedi yo o neilweng dithata ka fa tlase ga Lefapha la Metswedi ya Diminerale le Maatla) o ile go itsise modirakopo ka go mo kwalela mo malatsing a le 14 go netefatsa gore kopo e amogetswe e bile e a sekasekiwa.

1.3 **GO GANEDIWA** Fa modirakopo a sa neelana ka ditokomane tsotlhe tse di tlhokegang, kopo e ile go ganediwa. Molaodi wa Kgaolo o tshwanetse go itsise modirakopo ka go mo kwalela mo malatsing a le 14 a kamogelo ya kopo.

1.4 Molaodi wa Kgaolo o tshwanetse mo malatsing a le 14 a kamogelo ya kopo, a itsise modirakopo ka go mo kwalela go ikgolaganya le mong wa lefatshe, yo o leng mo go lone kgotsa ditokololo tse di nang le kgatlhegelo kgotsa tse di amegang; le go neelana ka leano la tsamaiso ya tikologo.



THULAGANYO YA TSAMAISO YA LAESENSE YA MOEPO AFORIKA BORWA

2 IKGOLAGANYO LE BAAGI

Motsamaisi wa Kgaolo o ile go aba Kitsiso ya Karolo 10 ya MPRDA, e e laelang Modirakopo go itsise ditokololo tse di nang le kgatlhego le tse di amegang ka ga kopo e e tshisintsweng le go amogela ditshwaelo go tswa kwa go bone.



2.1 Modirakopo o tshwanetse go itsise ka go kwalela le go rerisana le mong wa lefatshe, yo o leng mo lone ka molao le ditokololo tse dingwe tse di amegang le go neelana ka dipholo tsa ditherisano tse di umakilweng kwa go Molaodi wa Kgaolo mo malatsing a le 30 go simolola ka letlha la Kitsiso ya Karolo 10.



2.2 Mmogo le tse di umakilweng fa godimo, modirakopo o tshwanetse go neelana ka dipegelo tsa tikologo kwa go Molaodi wa Kgaolo.

2.3 **KGANETŠO** Mo nakong ya kganetso ya Kitsiso ya Karolo 10, e ile go romelwa kwa Komiting ya Kgaolo ya Moepo le Tlhabololo.



2.3.1 GO SE AMOGELWE Fa RMDEC e ganetsa kopo, modirakopo a ka aba gape maano a a tokafaditsweng kwa go RMDEC. Modirakopo a ka tsenya kopo gape gangwe fela fa e le gore e ne e sa amogelwa.

2.3.2 KAMOGELO RMDEC e amogela kopo le go tswela ka kgato e e latelang.

3 TSHEKATSHEKO

Molaodi wa Kgaolo o tshwanetse go netefatsa ikobelo ya Karolo 27 ya MPRDA le go romela kopo kwa go Tona ya Metswedi ya Diminerale le Maatla gore a e sekaseke. Karolo 27 e tshalosa ditlhokego tsa go dira kopo, go akaretsa kabo le nako ya lekwatotetla la moepo.



3.1 Molaodi wa Kgaolo o ile go fetisetsa kopo kwa go Tona ya Metswedi ya Diminerale le Maatla go e sekaseka.

4 KATLENEGISO YA LAESENSE

MATSATSI A LE 30

Tona e ka aba kgotsa ya ganetsa kopo mo malatsing a le 60 a kamogelo ya kopo go tswa kwa Molaoding wa Kgaolo.



4.1 Fa e letleletswe, modirakopo o tshwanetse go aba lekwatotetla la moepo gore le kwadisiwe kwa Kantorong ya Dikwadiso tsa Maemo a Diminerale le Petoroliamo. Tshweetso e ile go tsenyeletswa mo Mafaratlhatlheng a Cadastre.



5 DITIRAGALO TSA KUNO DI KA SIMOLOLA

